

# Vanessa – ina vusch grischuna plain power

In'attracziun culturala al di da las portas avertas da la Ems-Chemia a Domat

■ (cp) Il di da las portas avertas da l'Ems-Chemia na porscha betg mo in'invista davos las culissas da l'EMS, mabain er in vast program da divertiment en tenda da festa: ultra da furmaziuns grischunas variadas è il punct culminant musical franc la preschentaziun da Vanessa T., la giuvna da 15 onns oriunda dal Partenz. La giuvna talentada da Cuvlignas ha gia participà a la qualificaziun dal Prix Walo pitschen ed ha sia gronda preschentaziun ils 15 da zercladur 2019 sin la piazza da las ovras da Domat. Ils cors da las visitadras e dals visitaders vegnan a batter pli spert – quai è garantì! Magdalena Martullo ha visità la scolara Vanessa T. a chasa durant sias preparativas.

## Program da divertiment cun gruppas da musica, saut e show grischunas

L'Ems-Chemia focussescha cunzunt grondezzas regiunalas durant ses grond di da las portas avertas ils 15 da zercladur 2019. Uschia sa preschentan en il rom dal program da divertiment en la tenda da festa numerusas gruppas da musica, da saut e da show grischunas. Tranter auter era blers giuvenils talentads. In giuven talent ch'ha gia experientscha da sa preschentar è Vanessa T. ch'ha 15 onns e che deriva da Cuvlignas. Sia ferma vusch ha impressiunà Martullo, la scheffa da l'Ems-Chemia, gia a partir da l'entschatta. «Durant il viadi a Lai l'atun passà hai jau udi al radio la chanzun Graubündna da Vanessa T.. Jau sun stada intgantada immediat da questa vusch plain power. Perquai hai jau er engaschà ella per il di da las portas avertas da l'Ems-Chemia e per noss spot da radio», è entusiasmada Martullo ch'ha visità Vanessa T. a chasa a Cuvlignas.

«L'Ems-Chemia sustegna dapi passa 80 onns artists en la regiun e s'engascha fitg en il sector dals giuvenils talents. Igl è bel da pudair porscher ils 15 da zercladur a Vanessa T. in'uschè gronda tribuna.»

## In success rasant

Cun ses giuvenils onns po Vanessa T. gia guardar enavos sin ina carriera musicala remartgabla – e quai entaifer curt temp. «Mia emprima preschentaziun publica hai jau gia già cun 13 onns a la Kultournacht a Claustra», declera la giuvna da Cuvlignas ch'è in grond fan d'Aretha Franklin e d'Amy Winehouse. Lura è suandada ina retscha da preschentaziuns en la regiun, la produziun d'in agen DC en il studio da tun Grischunasound a Conters, in duet cuminaivel cun il chan-



Exercitar a chasa: Magdalena Martullo sin visita tar Vanessa T.

MAD

tadur oriund da l'USA Toni Lorenzo sco era la participaziun a la Kids Voice Tour 2018 en il Letzipark a Turitg. A la qualificaziun per il Prix Walo pitschen a Santa Maria en Val Müstair è ella medemmain stada da la partida. «Jau hai emprendi nunditg bler en quest temp, cunzunt en il studio da tun e durant las preschentaziuns davant la giuria professiunala dal Prix Walo», raquinta la commercianta futura.

## Ussa vali d'exercitar

Sulettamain in onn pli tard suonda ussa cun il di da las portas avertas da l'Ems-Chemia l'emprima preschentaziun davant in grond public. Ins spetga var 10 000 personas ils 15 da zercladur 2019. «L'emprim hai jau strusch pudì crair da vegnir dumandada da ma preschentar en l'EMS», raquinta Vanessa T. tut intgantada. «Jau sun fitg engraziavla da survegnir in'uschè gronda schanza – quai è simplamain mega cool!» Per la preschentaziun il di da las portas avertas ha Vanessa T. exercità entant otg chanzuns, tranter quellas trais novas, spezialmain per Martullo. Per che mintga tun constettia lura sin la gronda tribuna datti ussa mo ina soluziun: «Exercitar, exercitar ed anc ina giada exercitar», ri la giuvna da 15 onns.

Ella na para anc insumma betg d'avair la tremblitga. «Quella vegn lura schont anc. Ma uschespert ch'jau stun sin tribuna svanescha ella normalmain. Jau sper che quai saja er uschia tar l'EMS.»

## Il zercladur er al radio

Il zercladur aud'ins Vanessa T. er en il spot da radio – era qua segir senza tremblitga. Quel ha ella produci aposta per il di da las portas avertas da l'Ems-Chemia.

Il spot da radio aud'ins l'emprima emna da zercladur mintga di al Radio Südostschweiz. Radio Südostschweiz emetta ils 15 da zercladur en directa dal di da las portas avertas sin la piazza da las ovras da Domat. In dals gjasts che visita il bus dal radio è era Vanessa T.: In daletg per las ureglias – quai è garantì!

## Avair fidanza en la giuventetgna

Martullo è persvasa che la giuvna dal Partenz vegn a dumagnar cun bravura sia preschentaziun. «Tar l'EMS cartain nus en il potenzial da noss giuvenils ed al promovain», di la scheffa da l'EMS. «Betg per nagut investin nus bler en atgnas emprendistas ed agens emprendists ed en la promoziun da la generaziun giuvna. Ins po patgificamain avair fidanza en ils giuvenils e dar ad els la schanza da musar tge ch'els san.» Il giuvel vocal Vanessa T. da Cuvlignas cumplettescha: «Jau sper

che las visitadras ed ils visitaders dal di da las portas avertas hajan precis uschè grond plaschair da mia preschentaziun sco jau!» Tar l'EMS na dubitescha nagin quai.

Ulteriuras infurmaziuns:  
[www.EMS-TagderoffenenTuer.ch](http://www.EMS-TagderoffenenTuer.ch) u per e-mail  
ad [info@emstagderoffenentuer.ch](mailto:info@emstagderoffenentuer.ch)

**Di da las portas avertas  
sonda, ils  
15 da zercladur, 9–17**

Suenter il grond success da l'onn 2007 avra l'EMS quest onn puspè las portas per la gliued interessada. Vegni e guardai davos las culissas da la lavur quotidiana da la pli gronda patruna e scoladra d'emprendistas e d'emprendists en il Grischun ed As laschai entusiasmar per il mund fantastic dal material sintetic. Per divertiment per pitschen e grond procuran diversas attracziuns ed in program da tribuna captivant. I dat ina tenda da festa ed ina liongia e da baiver gratuit. Per il bainstar culinaric procuran era la fiera da purs grischuna ed ils stans da glatsch regional.